



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Tano – Tarehe 15 Mei, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Hotuba ya Makadirio ya Mapato na Matumizi ya Ofisi ya Rais, Tawala za Mikoa, Serikali za Mitaa na Idara Maalum za SMZ kwa Mwaka 2018/2019.

Mwenyekiti wa Kamati ya Sheria, Utawala Bora na Idara Maalum:

Hotuba ya Maoni ya Kamati ya Katiba, Sheria, Utawala Bora na Idara Maalum za SMZ kuhusu Makadirio ya Mapato na Matumizi ya Ofisi ya Rais, Tawala za Mikoa, Serikali za Mitaa na Idara Maalum za SMZ kwa Mwaka 2018/2019.

II. MASWALI:

Ofisi ya Makamu wa Pili wa Rais:

141. MHE. SIMAI MOH'D SAID (Jimbo la Tunguu) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:
- (a) Je, Tanzania ina mabalozi wangapi katika nchi za nje.
 - (b) Je, katika Balozi zetu za Tanzania, ni mabalozi wangapi wamechaguliwa kutoka Zanzibar.
 - (c) Je, Serikali imefikiria kuishauri Serikali ya Jamhuri ya Muungano kuwa na Afisi ndogo ya Zanzibar katika kila Balozi zetu kwa malengo ya kuunga mkono Diplomasia ya Kiuchumi hasa ukizingatia Balozi zetu nyingi zimekuwa zikilalamikiwa Wazanzibari wanaoishi nje kukosa taarifa za Zanzibar pale wanapoenda na hata raia wakigeni wanapotaka kufanya safari za kiutalii.

Ofisi ya Rais, Tawala za Mikoa, Serikali za Mitaa na Idara Maalum za SMZ:

237. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Serikali ya Mapinduzi ya Zanzibar katika mwaka wa fedha 2017/2018 ilianza kutekeleza kwa vitendo uamuzi wake wa kugatua madaraka kwa wananchi kwa baadhi ya sekta, kama vile Elimu, Afya, na Kilimo hatua ambayo imeleta mageuzi makubwa katika kuimarisha upatikanaji huduma hizo kwa wananchi kupitia Halmashauri zao pamoja na uamuzi huo mzuri. Hata hivyo, zipo baadhi ya Taasisi hizo hazijatoa ushirikiano mzuri kwa halmashauri hizo.

- (a) Ni hatua zipi Serikali imepanga kuchukuwa ili kuona kwamba Taasisi zote zinazohusika na ugatuzi zinatimiza wajibu wao ipasavyo.

- (b) Je, Serikali haioni kwamba wakati umefika kwa sekta ya maji nayo kugatuliwa ili kuleta nafuu kwa wananchi.

Wizara ya Elimu na Mafunzo ya Amali:

39. MHESHIMIWA ALI KHAMIS BAKAR (Jimbo la Tumbe) -
Atamuuliza Mheshimiwa Waziri wa Elimu na Mafunzo ya Amali:

Pamoja na jitihada za Wizara ya Elimu na Mafunzo ya Amali kutoa elimu bora katika ngazi zote za elimu, skuli nyingi Unguja na Pemba zinakabiliwa na ukosefu wa Maktaba sambamba na uhaba wa “WAKUTUBI” wenye sifa kwa skuli zenye maktaba.

- (a) Je, ni lini Wizara kwa kushirikiana na Shirika la Huduma za Maktaba itafanya tathmini ya skuli ambazo hazina maktaba ili kufanya mpango wa kufikisha huduma hiyo katika skuli hizo.
- (b) Je, ni lini wataalamu wa maktaba wenye sifa wataajiriwa ili kukabiliana na uhaba mkubwa katika skuli za Serikali.

Wizara ya Ujenzi, Mawasiliano na Usafirishaji:

98. MHESHIMIWA OMAR SEIF ABEID (Jimbo la Konde) -
Atamuuliza Waziri wa Ujenzi, Mawasiliano na Usafirishaji.

Wakati wa kiangazi kwenye maeneo ya Mkiang’ombe huwa hakufiki gari kutokana na kuwepo kwa mchanga mwingi sana. Na kwa kuwa eneo la Makangale Mnarani kipo kifusi kingi ambacho Wizara ya Mawasiliano walichimba kwa ajili ya kufanya matengenezo ya barabara hiyo ya Makangale na Mkiawang’ombe.

Je, Wizara yako ina mpango gani wa kuifanyia marekebisho angalau kwa kuanzia na kifusi katika barabara hiyo ili kupunguza kero kwa mama wajawazito na wagonjwa ambao hufikia kubebwa kwa kitanda wakati wanapohamishiwa kituo kingine kwa kufuata huduma za afya.

Wizara ya Ardhi, Nyumba, Maji na Nishati:

171. MHESHIMIWA ASHA ABDALLA MUSSA (Jimbo la Kiwengwa) – Atamuuliza Mheshimiwa Waziri wa Ardhi, Nyumba, Maji na Nishati:

Mhe. Waziri katika ziara yako Halmashauri ya Wilaya ya Kaskazini “B” Unguja uliahidi wananchi wa Kijiji cha Mgambo kuwa utawachimbia kisima cha maji safi ili kuwaondolea kero hiyo ambayo ni ya muda mrefu sasa.

Je, ni lini ahadi hiyo itatekelezwa ili wananchi hao waweze kufaidika na maji safi na salama.

Wizara ya Biashara na Viwanda:

32. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri wa Biashara na Viwanda:

Zanzibar ni mzalishaji mkubwa wa zao la karafuu lenye ubora duniani. Kupitia Shirika la ZSTC limenunua mashine sita (6) za kupimia unyevu na mashine moja ya kusafishia ambayo ni ya kienyeji sana.

- (a) Je, Shirika la ZSTC liko tayari kwenda Tanzania Bara katika maeneo ya EPZ kwa lengo la kujifunza na kuona mitambo ya kisasa ya kusafishia karafuu.
- (b) Je, ZSTC baada ya kuiona mitambo hiyo ya kisasa itakuwa tayari kununua kwa ajili ya Zanzibar ili kuziweka karafuu zetu katika hali ya usafi unaohitajika na kuweza kukabiliana na ushindani katika soko la dunia.

Wizara ya Afya:

14. MHESHIMIWA SIMAI MOH'D SAID (Jimbo la Tunguu) -
Atamuuliza Mheshimiwa Waziri wa Afya:

Kwa kuwa moja ya sifa ya Serikali yoyote ni kuboresha huduma kwa jamii na kwa kuwa madaktari wetu ni tegemeo kubwa la wananchi.

Je, kwa nini SMZ isifikirie kuwajengea nyumba za malazi (*Doctors Compound Area*) kama walivyofanyiwa wapiganaji wetu Majeshi ili kuleta motisha kwao.

Wizara ya Vijana, Utamaduni, Sanaa na Michezo:

101. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Vijana, Utamaduni, Sanaa na Michezo:

Serikali ya Mapinduzi ya Zanzibar inastahiki pongezi katika juhudi zake za kuendeleza michezo na kufanya mipango ya makusudi ya kujenga viwanja vya Wilaya ili kuendeleza michezo.

- (a) Je, suala hili limefikia wapi.
- (b) Je, viwanja hivyo vitajengwa wapi kila Wilaya eneo husika.
- (c) Viwanja hivyo vitaanza kujengwa lini na lini vitamalizika.

III. HOJA ZA SERIKALI:

Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Ofisi ya Rais, Tawala za Mikoa, Serikali za Mitaa na Idara Maalum za SMZ kwa mwaka 2018/2019.

Zanzibar,
15 Mei, 2018.

(Raya Issa Msellem)
KATIBU WA BARAZA.